

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj: 7/10), a u vezi sa članom 2.1.5., 2.1.6. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), Vlada Zeničko-dobojskog kantona, na prijedlog Ministarstva za privredu, na 46. sjednici, održanoj 04.03.2016. godine, d o n o s i

ZAKLJUČAK

I.

Poništava se Javni oglas za popunu upražnjenih pozicija predsjednika i dva člana Upravnog odbora Agencije za privatizaciju Zeničko-dobojskog kantona, reguliranom tijelu koje je u nadležnosti Vlade Zeničko-dobojskog kantona, kao “odgovornog javnog službenika”, koji je dana 07.01.2016. godine objavljen u Dnevnom avazu i dana 13.01.2016. godine u „Službenim novinama Federacije Bosne i Hercegovine“, broj: 2/16.

II.

Zadužuje se Ministarstvo za privredu da obavijest o poništenju Oglasa iz tačke I. ovog zaključka objavi u „Službenim novinama Federacije Bosne i Hercegovine“ i Dnevnom avazu.

III.

Zadužuje se Komisija za izbor, imenovana Rješenjem ministra Ministarstva za privredu Zeničko-dobojskog kantona, broj: 04-34-21843/15 od 21.12.2015. godine, da obavijesti kandidate koji su se prijavili na Oglas iz tačke I. ovog zaključka da je isti poništen, kao i da će se smatrati da nisu odustali od prijave, odnosno njihova dokumentacija će se smatrati validnom, samo ukoliko u zakonskom roku podnesu novu prijavu na ponovljeni Oglas.

IV.

Za realizaciju ovog Zaključka zadužuje se Ministarstvo za privredu i Služba za zajedničke poslove, svako u okviru svoje nadležnosti.

V.

Zaključak stupa na snagu danom donošenja.

Broj: 02-_____/16.
Datum, 04.03.2016. godine
Zenica

PREMIJER

Miralem Galijašević

DOSTAVLJENO:

1x Ministarstvo za privredu,
1x Služba za zajedničke poslove,
1x Komisija za izbore u Ministarstvu za privredu,
1x a/a.